

JANI PLANCI
ARIMINENSIS

De Urina cum sedimento cæruleo,

AD AMICUM

BONONIENSEM

EPISTOLA.



10.1.29 1.1.29

10.1.29 1.1.29

10.1.29 1.1.29

10.1.29 1.1.29

PROMISERAM jampridem me ad Te, Amicorum Optime, historiam quamdam scripturum de Viro, qui per octo vel decem ante obitum dies Urinam reddiderat cum sedimento pulchre cæruleo, quod Cyaneum illum Veterum colorem, seu Berolinense Recentiorum referebat; quod & Tibi, & aliis singulare admodum, & plane inauditum visum fuerat: nunc fidem datam libero, & in primis morbi historiam præmitto. Vir iste sexagenarius erat, & boni temperamentis, Dominicus Paulluccius vocabatur, qui Thermopolii Tabernæ erat præfectus. Is a duobus annis dysuria laborare cœperat, ut calculum in Vesica gestare mentiretur. Diluentibus potionibus, & demulcentibus ex feminibus Melonum, & ex Arabico Gummi curabam, ut urinæ acrimonia, & stillicidium minueretur, ut reipsa imminuta sunt hæc omnia. Verum elapso vere, quum gravibus animi perturbationibus conflictaretur incidit in morbum ex animi mœrore, cum febris, quæ ex pulsu & calore magna non apparebat; at insignis erat in ægro linguæ & faucium ariditas, ~~foris~~ quia æger, licet a me invitatus, parce admodum bibebat. Inappetentia in eo erat summa, & ad somnum erat pronus.

A 2

Post

Post tertiam a decubitu diem reddere
 cœpit cum urinis sedimentum pulchri
 coloris cœrulei, veluti Cyanei illius Ve-
 terum, quod Ultramarinum vocant, seu
 veluti Cœrulei Berolinensis, ut dixi,
 quod ego mane per tres dies collegi in
 chartulis, & ad solem exsiccavi; deinde
 per alios tres dies urina universa, quam
 noctu reddebat, in qua potissimum sedi-
 mentum hoc cœruleum cernebatur, cu-
 ravi ut ad me deferretur, quæ subvi-
 ridis apparebat cum insigni Spiritus Sa-
 lis Hammoniæ graveolentia. Per char-
 tam bibulam urinam hanc trajiciebam,
 & in charta sedimentum remanebat,
 quod exsiccatum pulvisculum referebat
 ærugini Massiliensi per quam similem.
 Ultimis tribus diebus ante mortem ægri
 urina colligi amplius nequibat, quia
 æger viribus pene destitutus eam gut-
 tatim in lectulo reddebat; sed urina
 tunc insigni colore cœruleo lintea infi-
 ciebat: tandem æger inedia, seu vo-
 luntaria abstinentia cibi, potus & me-
 dicamentorum omnium a. d. xi. Kal.
 Junias obiit. Sequenti die ejus cadaver
 a nobis dissectum fuit, cujus dorsum ex-
 trinsecus valde lividum apparuit, & in
 facie ejus pustulæ erant variæ, ut in
 gutta ~~ærea~~, quæ aliquot diebus ante
 mortem apparere cœperunt. Vesica erat
 valde crassa cum plicis variis, ut sunt
 in ventriculo, & cum variis illis her-
 niis a

niis a celebri Morgagno descriptis. Vesicæ Sphincter valde angustus apparuit, Uretheres tamen valde dilatati cernebantur, ut intestina Agni referrent, & inflati, atque exsiccati una cum portione Vesicæ, in primo eorum in Vesica ingressu, valvulam semilunarem, seu conniventem ostendebant, ut sunt valvulæ hujus generis in Intestino Colo, & in Canali vesicæ felleæ. Post hanc valvulam canaliculus intra tunicas Vesicæ progrediebatur. Quæsiui proximis diebus in alio Cadavere Uretheres ejus inflando cum portione Vesicæ, exsiccandoque, at valvulam hanc adesse non inveni; quare inconstans res hæc valvula ad initium Vesicæ dicenda, & pro lusu naturæ potius est habenda. Intra Vesicam erat portio urinæ, sed aquea, & sine sedimento illo cæruleo: Renes erant flaccidi, sed sani, nullumque vestigium in iis sedimenti illius cærulei apparebat, neque arenulæ cujuscumque coloris, uti neque in Vesica. Intestina, Ventriculus, Pulmo subnigra omnia apparuerunt, gangræna enim erant infecta. In Larynge ventriculi illi Galeni, & Morgagni parvi, & angusti, cernebantur; non enim voce magna, sed exili gaudebat Vir iste. Cetera viscera in naturali statu erant.

Igitur quod rarum in hac Historia videtur, est miæctus ille cæruleus, seu, ut

melius dicam, est sedimentum illud cæruleum in Urinis per octo, vel decem ante mortem dies, & præsertim in ultimis diebus, quod lintea omnia colore isto inficiebat. Quum casuiste de Urina ista cærulea per urbem nostram vulgaretur, retulit mihi mulier sexagenaria, se viginti abhinc annis, quæ tunc famulatum nobili Matronæ hujus urbis præbebat, & ornatrix ejus erat, quum ruri una cum Domina verno tempore esset, & quibusdam affectionibus hystericiis ibi laboraret ex mensium paucitate, & jacula alterata ex herbis fumeret, & quum alvum haberet adstrictam, suasu famuli cujusdam contubernalis sui Pilulam Novellariæ sumsit, quam Loyalitæ dispensare solent, quæ Ciceris erat magnitudine; ex hac Pilula facta est mulieri purgatio multa, seu hypercatharsis, ut Medici loquuntur, & deinde sequentibus diebus reddere coepit in Urinis sedimentum cæruleum, quod matulas omnes in fundo, & ad latera ita inficiebat, ut detergi nulla vi possent. Hoc per tres, vel quatuor dies accidit, deinde effectus iste cessavit. At Urinæ numquam cæruleæ apparuerunt, uti non apparebant tales in ægro nostro, sed cæruleus color tantum erat in fundo vasis, seu in sedimento Urinarum.

Causam Urinæ hujus cum sedimento isto

isto cæruleo exquirere, non ita facile est. Præter enim casum Viri hujus nostri, & præter illum mulieris itidem nostræ, rem similem, neque videre, neque legere unquam mihi contigit. Actuarius ultimus inter Græcos Medicos eruditos, qui Tractatus varios, & peculiare, satis diligentes quidem, ut tempora ejus ferebant, de Urinis, earumque signis, causis, & differentiis scripsit, variis in locis Urinam venetam memorat, & venetum in Urinis colorem, & inter signa lethalia plerumque ponit; pessimum enim est apud ipsum niger in Urinis color, quippe qui a Melancholia, sive ab atra bile fusa, ut ait, originem ducat, & colori atro proximus est venetus iste, seu cæruleus color. Ait tamen Urinam venetam malam non esse, si a pharmaco quodam assumpto procedat, & non a vi morbi, narratque casum Servi sui, qui potionem quamdam ex Trochisco quodam amaro cum aqua fervida ex Oxymelle sumserat loco ægri cujusdam morosi, qui eam sumere noluit; deinde Puer ille Actuarii pedibus triginta stadia confecit, & postea Urinam mingere primo nigram, deinde cæruleam, summo cum timore Pueri illius, & magna cum Heri admiratione, qui tamen memor potionis illius, jussit eum bono animo esse, ut revera nil mali accidit Puero illi, nam paullopost omni

morbo, & timore liber evasit. At Actuarius nullam aliam Historiam de Urina veneta, seu cærulea, refert. Quare credibile est præter illam Pueri sui nullam aliam vidisse, & doctrinam illam de malignitate, & de innocentia Urinæ venetæ a scientia tunc pervulgata Galenicorum de quatuor humoribus sumsisse, & non a solida ratione, & ab experimentis. Præterea non dicit ex quibus potissimum rebus conflatus esset Pastillus ille amarus, quem admixtum cum aqua fervida, & Oxymellite propinandum exhibuerat Ægro cuidam moroso, & delicato, qui, quum sumere noluiisset, ejus loco sumsit Puer suus, qui deinde peragratis triginta stadiis, Urinam prius nigram, deinde venetam mingere cœpit. Si enim narrasset ex quibus rebus compositus fuisset Pastillus ille, fortasse modo nosceremus, quomodo ex assumptione alicujus rei Urina interdum fiat veneta, seu cærulea. Multa sunt quidem, quæ naturalem Urinæ colorem, & odorem depravant. Videmus enim assumpto Rhabbarbo colore flavo tingi Urinam, & assumpta Cassia, tingi vinco, & Opuntiae fructus comesi sanguineum colorem Urinæ conciliant. Sic Terebinthina, Veneta, & Cypria, & generatim Resinosa omnia, si Balsamum de Copaibe excipias, ut & mala Medica comesta gratum Violarum odorem Urinis conciliant;

at

at
Tre
Col
gari
mir
eni
gar
ria
am
Ex
Bd
ne
me
T
C
n
p
d
p
v
l
I
t
c
f
i
i
at

at Asparagi ingratiſſimum . Fortaſſe in Trochiſco illo amaro Aëtuarii baſis erat Colocynthis, ſeu erat Trochiſcus ille vulgaris de Colocynthide, qui Arabico nomine de Alhandal vocatur. Colocynthis enim amariffima res eſt, & valde purgans. Fortaſſe & Pilularum de Novellaria baſis eſt ipſa Colocynthis; ſunt enim amaræ & ipſæ, & inſigniter purgantes. Ex analyſi enim earum inventum eſt Bdellium in iis aſeſſe, & Crocum, & nescio quid amarum, quod Aloen, ſeu melius, quod Colocynthida referat. Trochiſci quidem de Alhandal, ſeu de Colocynthide a Meſue cum Arabico Gummi, cum Tragacantha, & cum Bdellio parantur. Ex amarore igitur Colocynthidos, & ex ſalibus ſuis vellicantibus, pungentibuſque prodiſſe Urinam illam venetam in Aëtuarii Puero, & in Muliere noſtra credendum. At quomodo prodierit item in agro noſtro, qui mortem obiit, ignoramus. Fortaſſe ſuaſu aliqujus Amici antequam lectum peteret, ſuſceperat & ipſe Pilulas illas Novellariæ, ut liberaretur ex anxietate, quam ex animi mœrore in ſe experiebatur, ut ſolent Viri hypochondriacis morbis tentati, qui purgari frequenter amant. Fortaſſe & ex hypercatharſi orta eſt in Viro noſtro magna illa lingua, & faucium ariditas, & deinde ſubſequutus eſt miſtus ille cæruleus, ut contigit mulie-

ri alteri nostræ adhuc viventi, & quum
clam sumisset pharmacum illud, noluit
fortasse id assidentibus, & Medico re-
velare, at majori deinde animi angore
corruptus, inedia perire maluit. Verum
quicquid hoc sit, semper res admodum
rara est mictus iste cæruleus, quum
tres casus tantum in Historiis Medico-
rum narrentur, Actuarii nempe illius,
& duo nostri. Quare remanet semper
adhuc diligenter inquirendum, quomodo
Urina, vel natura, vel medicamento-
rum vi cærulea fiat, quod fortasse no-
vis Observationibus, & experimentis pa-
lam fiet. Hæc habui, Amicorum Opti-
me, quæ, ut receperam, ad te scribe-
rem de Urina ista veneta, seu cærulea,
vel ut melius dicam, de Urina cum se-
dimento pulchre cæruleo, quæ tu com-
municare poteris cum Amicis nostris, &
sententiam illorum exquirere, quam po-
stea ad me scribas velim. Vale. Datis
Arimino a. d. viii. Kal. Martias Anno
c1010ccclvii Christi Nativitate.

VAM539023